

լաւ է մեզ մեռանիլ և 'ի ջանել 'ի խորս գերեզմանի քան թէ կալ և մնալ անօրէնութեամբ կենօք 'ի նախատանս, զի անօրէնութեամբ և արտաքոյ կանօնի կեանք ում որ իցէ տուժելի է քան թէ պատիժն խորին դժոխոց, վասն զի ոչ զինքն և ոչ ընտանիս և ոչ բարեկամս և ոչ զբացիս և ալն ոչ կարէ խաղաղութեամբ մնալ և ամենայն ցայկ և ցերեկ և 'ի միջի ամենայն գործոց բարեաց և չարեաց կայ 'ի ներքոյ վտարանդի ոչ թէ միայն փոքրն և կրտսերն և աղքատն և նուազն, այլ նաև շատն մեծն հարուստն և կարեւորն համախոհ վտարանդի կենօք կորուսանեն ժամանակս կենաց իւրեանց մեռանելով իբրև անասուն և անբան, և որպէս անօրէնութեամբ վարիւք 'ի այսմ աշխարհիս կորնչին, նոյն ինքն վտարանդի շարժմամբ կացցէ 'ի հանդերձելումս 'ի տանջանս, զի ոչ ումեքէ լինիցի լսել 'ի բողոքմունս նոցայ 'ի հանդերձելումս, թէպէտ բնական իրաւամբ գտցին տեղի բողոքելոյ ասելով՝ այսինքն իշխանք աշխարհին մերոյ որում ես կացի 'ի մարմնի ոչ ետուն սահման վարելոյ զկեանս մեր և մեք ոչ ծանեաք թէ որպիսեալ գսպել մեզ հարկաւոր էր կեանս մեր, վասն որոյ ոչ գոյ մեղք մեզ 'ի անօրէնութենէ կենաց մերոց և ալն, այլ մեք ճանաչելով արդարութիւն Տեառն արարչին մերոյ և անաչառ դատողութիւնն նորայ ոչ երկբայիմք զի առանց մխիթա-